

舐天只天毗下醯呼阿下耨毒弊毗浣反濯胡  
 件反下下蹋同字字曝報又又漬在智智咄反又又  
 反反活活溺如的的剝井列列軋谷慘合瘖反瘖下雅反丁丁  
 反反下下音音享上壽香穀反穀反谷谷慘合然反瘖反瘖反拷反掠反  
 考下音音略略伺上察反相相寺寺豔音豔音同同  
 一一音音諫諫一一伺伺察察反反候候也也豔豔豔豔同同

增壹阿含經卷第十六

斯六

符秦建元三年三藏曇摩難提譯

高幢品第二十四之四

聞如是一時佛在舍衛國祇樹給孤獨園介  
 時世尊告諸比丘有三事現在前介時善男  
 子善女人獲福無量云何為三信在前善男

斯六

子善女人獲福無量若財現在前介時善男  
 子善女人獲福無量若復持梵行者現在前  
 介時善男子善女人獲福無量是謂比丘有  
 此三事現在前獲福無量介時世尊便說此偈  
 信財梵難得 受者持戒人 覺此三事已  
 智者隨時施 長夜獲安隱 諸天恒扶將

在彼自娛樂 五欲無厭足

以是諸比丘若善男子善女人當求方便成  
 此三法如是諸比丘當作是學介時諸比丘  
 聞佛所說歡喜奉行

聞如是一時佛在拘深城瞿師羅園中介時  
 拘深比丘恒好鬪訟犯諸惡行面相談說或

時刀杖相加介時世尊清旦往詣彼比丘所  
 到已世尊告彼比丘汝等比丘慎莫鬪訟莫  
 相是非諸比丘當共和合共一師侶同一水  
 乳何為鬪訟介時拘深比丘白世尊曰唯願  
 世尊勿憂此事我當自慮此理如此過狀自  
 識其罪世尊告曰汝等云何為王種作道為

畏恐故作道為以世險故作道耶諸比丘對  
 曰非也世尊世尊告曰云何比丘汝等豈非  
 欲離生死求無為道故作道乎然五陰之身  
 寶不可保諸比丘對曰如是世尊如世尊教  
 我等族姓子所以出家學道者以求無為道  
 滅五陰身是以學道世尊告曰諸比丘不應

作道而復鬪諍手拳相加面相是非惡聲相向汝等當應成就此行共同一法共一師受亦當行此六種之法亦當行此身口意行亦當行此供養諸梵行者諸比丘對曰此是我等事世尊勿足慮此事尔時世尊告拘深比丘云何愚人汝等不信如來語乎方語如來勿慮此事然汝等自當受此邪見之報尔時世尊重告彼比丘曰過去久遠此舍衛城中有王名曰長壽王聰明黠慧無事不知然善明刀劍之法又乏寶物諸藏不充財貨減少四部之兵亦復不多臣佐之屬亦復減少當於尔時波羅捺國有王名梵摩達勇猛剛健

斯六

二

之兵彼王雖復多諸兵衆如我今日一夫之力足能壞彼百千之衆殺害衆生不可稱計不可以一世之榮作永世之罪我今可出此城更在他國使無鬪諍尔時長壽王不語臣佐將第一夫人及將一人出舍衛城入深山中是時舍衛城中臣佐人民以不見長壽王便遣信使往詣梵摩達王所而作是說唯願大王來至此土今長壽王莫知所在是時梵摩達王來至迦尸國中而自治化然長壽王有二夫人皆懷妊臨欲在產是時夫人自夢在都市中生又日初出四部之兵手執五尺刀各共圍遶而獨自產無有佐者見已便自驚覺以此因緣白長壽王時長壽王告夫人曰我今在此深山之中何緣乃當在舍衛城內在都市中產乎汝今欲產者當如鹿生是時夫人曰設我不得如此產者正尔取死是時長壽王聞此語已即於其夜更改衣服不將人衆入舍衛城時長壽王有一大臣名曰

斯六

三

善華甚相愛念有小事緣出城而見長壽王入城時彼善華大臣熟視王已便捨而去歎息墮淚著道而行時長壽王便逐彼大臣將在屏處而共言語慎莫出口大臣對曰如大王教不審明王有何教勅長壽王曰憶我舊恩便有返復時臣對曰大王有教令我當辦之長壽王曰我夫人者昨夜夢在都市中產又有四部之兵而自圍遶生一男兒極自端正若不如夢產者七日之中當取命終大臣報曰我今堪辦此事如王來勅作此語已各捨而去是時大臣便往至梵摩達王所到已而作是說七日之中意欲觀看大王軍衆象兵馬兵車兵步兵竟爲多少是時梵摩達王勅左右曰時催上兵衆如善華語是時善華大臣七日之中即集兵衆在舍衛都市中是時彼夫人七日之中來在都市中時善華大臣遙見夫人來便作是說善來賢女今正是時今時夫人見四部兵衆已便懷歡喜勅左

右人施張大幔時夫人日初出時便生男兒端正無雙世之希有時夫人抱兒還詣山中時長壽王遙見夫人抱兒而來便作是語使兒老壽受命無極夫人白王願王當與立字時王即以立字名曰長生時長生太子年向八歲父至長壽有小因緣入舍衛城今時長壽王昔臣劫比見王入城從頭至足而熟觀視見已便往至梵摩達王所到已而作是說大王極爲放逸長壽王者今在此城時王瞋恚勅左右人催收捕長壽王是時左右大臣將此劫比東西求索時劫比遙見長壽王便指示語大臣曰此是長壽王即前收捕至梵摩達王所到已白王大言長壽王者此人身是國中人民悉皆聞知傳捉得長壽王身時夫人亦復聞長壽王爲梵摩達王所捉得聞已便作是念我今復用活爲寧共大王一時同命是時夫人即將太子入舍衛城夫人語太子曰汝今更求活處時長生太子聞已默

卅六

四

然不語時夫人徑往至梵摩達王所王遙見  
來歡喜踊躍不能自勝即勅大臣將此夫人  
及長壽王至四衢道頭分作四分時諸大臣  
受王敕命將長壽王及夫人身皆取反縛遶  
舍衛城使萬民見亦時人民之類莫不痛心  
時長生太子在大眾中見將父母詣市取殺  
顏色不變時長壽王還顧告長生日汝莫見  
長亦莫見短亦時便說此偈  
怨怨不休息 自古有此法 無怨能勝怨  
此法終不朽  
是時諸臣自相謂曰此長壽王極爲愚惑長  
生太子竟是何人在我等前而說此偈時長  
壽王告諸臣曰我不愚惑但其中智者乃明  
吾語耳諸賢者當知以我一夫之力足能壞  
此百万之衆然我復作是念此衆生類死者  
難數不可以我一身之故歷世受罪怨怨不  
休息自古有此法無怨能勝怨此法終不朽  
時彼諸臣將長壽王及夫人衆至四衢道頭

分作四分即捨而去各還所在時長生太子  
向暮收拾薪草耶維父母而去亦時梵摩達  
王在高樓上遙見有小兒耶維長壽王及夫  
人身見已勅左右曰此必是長壽王親里汝  
催收捉來時諸臣民即往詣彼未到之頃兒  
已走去時長生太子便作是念此梵摩達王

斯六

五

殺我父母又在我國中我今當報父母之怨  
是時長生太子便往至彈琴師所到已便作  
是說我今欲學彈琴時琴師問曰今汝姓誰  
父母爲何所在小兒對曰我無父母我本任  
此舍衛城中父母早死琴師報曰欲學者便  
學之比丘當知亦時長生太子便學彈琴歌  
曲時長生太子素自聰明未經數日便能彈  
琴歌曲無事不知是時長生太子抱琴往詣  
梵摩達王所在象廡中非人之時而獨彈琴  
並復清歌亦時梵摩達王在高樓上聞彈琴  
歌曲之聲便勅左右人曰此何人在象廡中  
而獨彈琴歌戲臣佐報曰此舍衛城中有一

小兒而獨彈琴歌戲時王告侍者曰汝可約  
勅使此小兒來在此戲吾欲見之是時使人  
受王勅已即往喚此小兒來至王所是時梵  
摩達王問小兒曰汝昨夜在象廐中彈琴乎  
對曰如是大王梵摩達曰汝今可在吾前彈  
琴歌儻我當供給衣被飲食比丘當知尔時  
長生太子在梵摩達前彈琴歌儻極爲精妙  
時梵摩達王聞此琴音極懷歡喜便告長生  
太子當與吾守藏珍寶時長生太子受王教  
勅未曾有失恒隨王意先笑後語恒忍王意  
尔時梵摩達王復告勅曰善哉善哉汝今作  
人極爲聰明今復勅汝宮內可否汝悉知之

是時長生太子在內宮中以此琴音教諸妓  
女亦復使乘象馬技術無事不知是時梵摩  
達意欲出遊園館共相娛樂催駕羽葆之車  
時長生太子即受王教尋駕羽葆之車鞍象  
金銀鞍勒還來白王嚴駕已辦王知是時梵  
摩達王乘羽葆之車使長生御之及將四部

斯六

六

陳州

兵衆時長生太子御車引道恒離大衆時梵  
摩達王問長生太子曰今日軍衆悉爲所在  
長生對曰臣亦不知軍衆所在時王告曰可  
小停車吾體疲極欲小止息時長生太子即  
自停車使王憇息比頃軍衆未至比丘當知  
尔時梵摩達王即枕太子長生膝上睡眠時  
長生太子已見王眠便作是念此王於我極  
是大怨取我父母殺又任我國界今不報怨  
者何時當報怨我今正尔斷其命根時長生  
太子右手拔劍左手捉王髮然復作是念我  
父臨欲命終時而告我言長生當知亦莫見  
長亦莫見短又說此偈

怨怨不休息

自古有此法

無怨能勝怨

此法終不朽

我今捨此怨即還內劍如是再三復作是念  
此王於我極是大怨取我父母殺又任我國  
界今不報怨者何日當剋我今正尔斷其命  
根乃名爲報怨是時復作憶念汝長生亦莫

見長亦莫見短父王有是教勅怨怨不休息自古有此法無怨能勝怨此法終不朽我今可捨此怨即還內劍是時王梵摩達夢見長壽王兒長生太子欲取我殺即便恐懼尋時得覺時長生太子曰大王何故驚起乃至於斯梵摩達王曰向者睡眠夢見長壽王兒長生太子拔劍欲取吾殺是故驚耳是時長生太子便作是念今此王已知我是長生太子即右手拔劍左手捉髮而語王言我今正是長壽王兒長生太子然王是我大怨取我父母殺之加住我國界今不報怨何日當剋時梵摩達王即向長生而作是說我今命在汝手願垂原捨得全生命長生報曰我可活王然王不全我命王報長生惟願垂濟吾終不取汝殺是時長生太子與王共作言誓俱共相濟命者終不相害比丘當知尔時長生太子即活王命是時梵摩達王語長生太子言願太子還與我嚴駕羽葆之車還詣國界是

斯六

七

時太子即嚴駕羽葆之車二人共乘徑來至舍衛城時王梵摩達即集羣臣而作是說設卿等見長壽王兒欲取何為其中或有大臣而作是說當斷手足或有言當分身三段或有言當取殺之是時長生太子在王側坐正身正意思惟來言時梵摩達王躬自手捉長生太子語諸人言此是長壽王兒長生太子此人身是卿等勿得復有語敢有所說所以然者長生太子見活吾命吾亦活此人命時諸羣臣聞此語已歎未曾有此王太子甚奇甚特乃能於怨而不報怨時梵摩達王問長生曰汝應取我殺何故見放復不殺之將有何因緣今願聞之長生對曰大王善聽父王臨欲命終之時而作是說汝今亦莫見長亦莫見短又作是語怨怨不休息自古有此法無怨能勝怨此法終不朽是時羣臣聞父王此語皆相謂言此王狂惑多有所說長生者竟是何所長壽王對曰卿等當知其中有智

之人乃明此語耳憶父此語已是故全王命耳梵摩達王聞此語已甚奇所作歎未曾有乃能守正父教勅不有所隨時梵摩達王語太子曰汝今所說之義吾猶不解今可與吾說其義使得意解時長生太子對曰大王善聽我當說之梵摩達王取長壽王殺設復長

斯六

八

壽王本所有羣臣極有親者亦當取王殺之設復梵摩達王所有臣佐復當取長壽王臣佐殺之是謂怨怨終不斷絕欲使怨斷者唯有無報耳我今觀此義已是故不害王也是時梵摩達王聞此語已甚懷踊躍不能自勝此王太子極為聰明乃能廣演其義時王梵摩達即向懺悔是我罪過而取長壽王殺之即自脫天冠與長生使者又復嫁女與還將舍衛城國土人民尋付長生使領王還去波羅捺治比丘當知然古昔諸王有此常法雖有此諍國之法猶相堪忍不相傷害然汝等比丘以信堅固出家學道捨貪欲瞋恚愚癡

之心今復諍競不相和順各不相忍而不懺改諸比丘當以此因緣知聞非其宜然同一師侶共一水乳勿共鬪訟亦時世尊便說此偈無鬪無有諍 慈心愍一切 無患於一切 諸佛所歎譽

是時諸比丘當修行忍辱如是諸比丘當作是學是時拘深比丘白世尊曰唯願世尊勿慮此事我等自當分明此法世尊雖有此語其事不然是時世尊便捨而去詣跋耆國亦時跋耆國中有三族姓子阿那律難提金毗羅然彼族姓子共作制限其有出乞食者後住者便掃灑地使淨事事不乏其得食來者分與使食足者則善不足者隨意所如有遺餘者寫著器中便捨而去若復最後乞食來者足者則善不足者便取器中食而自著鉢中亦時便取水瓶更著一處即當一日掃除房舍復更在閑靜之處正身正意繫念在前思惟妙法然復彼人終不共語各自寂然亦

斯六

九

時尊者阿那律思惟欲不淨想念恃喜安而遊初禪是時難提金毗羅知阿那律心中所念亦復思惟欲不淨想念恃喜安而遊初禪若復尊者阿那律思惟二禪三禪四禪亦時尊者難提金毗羅亦復思惟二禪三禪四禪若復尊者阿那律思惟空處識處不用處有想無想處是時尊者難提金毗羅亦復思惟空處識處不用處有想無想處若復尊者阿那律思惟滅盡定亦時尊者難提金毗羅亦復思惟滅盡定如此諸法諸賢思惟此法亦時世尊往師子國中亦時守園人遇見世尊來便作是說沙門勿來勿入園中所以然者此園中有三族姓子名阿那律難提金毗羅慎莫觸躐是時尊者阿那律以天眼清淨及天耳通聞守園人與世尊作如是說使世尊不得入園是時尊者阿那律即出告守門人曰勿遮世尊今來欲至此看是時尊者阿那律尋入告金毗羅曰速來世尊今在門外是

時尊者三人即從三昧起往至世尊所到已頭面禮足在一面住各自稱言善來世尊尊者阿那律前取世尊鉢尊者難提前敷座尊者金毗羅取水與世尊洗足亦時世尊告阿那律曰汝等三人在此和合無有他念乞食如意乎阿那律曰如是世尊乞食不以爲勞所以然者若我思惟初禪時亦時難提金毗羅亦復思惟初禪若我思惟二禪三禪四禪空處識處不用處有想無想處滅盡三昧亦難提金毗羅亦復思惟二禪三禪四禪空處識處不用處有想無想處滅盡定如是世尊我等思惟此法世尊告曰善哉善哉阿那律汝等頗有是時更得上人法乎阿那律報曰如是世尊我等更得上人法世尊告曰何者是上人之法阿那律曰有此妙法出上人法上若復我等以慈心遍滿一方二方三方四方亦復如是四維上下亦復如是一切中一切以慈心遍滿其中無數無限不可稱

斯六

十



計而自遊戲復以慈心悲心喜心護心遍滿一方二方三方四方亦復如是四維上下而自遊戲是謂世尊我等更得此上人之法尔時尊者難提金毗羅語阿那律曰我等何日至汝許問此義乎今在世尊前而自稱說阿那律曰汝等亦未曾至我許而問此義但諸天來至我所而說此義是故在世尊前而說此義耳但我長夜之中知諸賢心意然諸賢者得此三昧故在世尊前說此語耳尔時說此法時長壽大將至世尊所頭面禮足在一面坐是時長壽大將白世尊曰今日世尊與此諸人而說法乎是時世尊以此因緣具向長壽大將說之是時大將白世尊曰跋耆大國快得大利有此三族姓子而自遊化阿那律難提金毗羅世尊告曰如是大將如汝所言跋耆大國快得善利且捨跋耆大國摩竭大國快得善利乃有此三族姓子若當摩竭大國人民之類憶此三族姓子便長夜獲安

隱大將當知若當縣邑城郭有此族姓子者彼城郭之中人民之類長夜獲安隱此三族姓子所生之家亦獲大利乃能生此上尊之人彼父母五種親族若當憶此三人者亦獲大利若復天龍鬼神憶此三族姓子者亦獲大利若有人歎說阿羅漢者亦當歎說此三

斯六

十一

人若有人歎說無貪欲無愚癡無瞋恚者亦當歎說此三人若有人歎說此福田者亦當歎說此三人如我於三阿僧祇劫所行勤苦成無上道使此三人成此法義是故大將當於此三族姓子起歡喜心如是大將當作是學尔時大將聞世尊所說歡喜奉行聞如是一時佛在舍衛國祇樹給孤獨園尔時世尊告諸比丘有三結使繫縛衆生不能從此岸至彼岸云何為三第一身邪戒盜疑彼云何身邪結所謂計身有我生吾我想有衆生想有命有壽有人有士夫有緣有著是謂名為身邪之結彼云何名為疑結所謂有

